

# Hoz es il Di internaziunal da la muntogna



Schweizerische Eidgenossenschaft  
Confédération suisse  
Confederazione Svizzera  
Confederaziun svizra



Uffiz federal da cultura UFC

text: Chartrina Josty, illustraziun: Yvonne Gièniel,  
grafica: Theres Jäger  
© Lia Rumantscha

**KIDSFITSCHE**  
Lia Rumantscha


# Il Di internaziunal da la muntogna

Savais vus chi dà ün di special aposta per nossas muntognas? El ans dess güdar a tegner adimaint cha las muntognas sun fich importantas per nos planet. Las muntognas majestusas nu sun be fich bellas per guardar, ellas sun nüzzaivlas ed importantas per nos sistem ecologic.

Blers flüms naschan illas muntognas. L'aua da la naiv chi alqua cula aint ils auals e flüms ed ans maina aua frais-cha per baiver. Las muntognas sun dimena grondas funtanas dad aua. Per bleras bes-chas sun las muntognas il dachasa perfet. Sco per exaimpel pel capricorn. El ha plü jent schi'd es ün pa plü frais-ch e rampigna

perquai sü fin süls pizs ils plü ots. Per cha'l capricorn ed otras bes-chas da muntogna chattan eir inavant quai ch'els douvran per viver, stuvaina proteger la natüra e las muntognas. Umans sün tuot il muond giodan dad ir in muntogna. Da stà fana gitas o chi van a rampignar e d'inviern vana culs skis o cullas gianellas.

Il Di internaziunal da la muntogna – proclamà da las Naziuns Unidas la prüma jada l'on 2002 – dess trar adimainta nus tuots e tuottas da respettar e tegner nettas tuot on las muntognas. Be uschea restan ellas inavant ün tresor per blers s-chazis prezius!



Scha tü guardast our da fanestra:  
Vezzast üna muntogna?  
Co ha'la nom?

Sün che muntogna est fingià  
stat o statta?

Che bes-chas da muntogna  
hast fingià vis?






 Schweizerische Eidgenossenschaft  
 Confédération suisse  
 Confederazione Svizzera  
 Confederaziun svizra  
 Uffiz federal da cultura UFC

text: Chatrina Josty, illustraziun: Yvonne Giènel,  
 grafica: Theres Jönger  
 © Lia Rumantscha

**KIDSFITSCHE**  
 Lia Rumantscha

# Il s-chazi da la muntogna

1

Id es ün bel di d'utuon e Bigna e Ramun fan üna spassegiada cun lur nona Mirta e lur bazegner Carlo. Il bazegner vegn oriundamaing da l'Italia. Perquai han els nom Della Valle. Els vöglian star sur not e portan buschas greivas. Il bazegner Carlo ha eir üna buna marena in sia buscha e perfin üna liongia pel chan Rino. Be

Linus, il frar grond da Bigna e Ramun, es restà a chasa. El ha dit: «Ir in muntogna es lungurus. Ma scha vus vais furtüna chattais ün s-chazi. Eu sa chi dà blers s-chazis in muntogna. E pigliai cun vus ün pa dal s-chazi per mai!» Ils tschintg viandants sun fö e flomma ed as mettan in viadi.

1 Per rivar al punct da partenza da **L** la spassegiada piglia la famiglia Della Valle la barcha. Els rivan in vicinanza dad üna gronda punt.

2 Che fa quist spiert aint immez il **A** god, as dumondan Bigna e Ramun. «Va tantüna in let, spiert!», disch Ramun be per spass ed il spiert svanischa.

3 La famiglia Della Valle vezza be plü **S** las cornas dal capricorn cha Rino ha savurà. «Dimena, las cornas dal capricorn nu sun neir il s-chazi cha Linus ha manià», disch Mirta, la nona. Eir ella es planet stangla ed i vain adüna plü s-chür. Per furtüna fan els la prosma scuverta davo üna palma.

4 Sur quista punt spassegescha la **A** famiglia Della Valle. Rino savura fingià alch ch'el pudess magliar e cuorra davent.

5 «Ün let füss eir alch flot per mai!», **F** pensa Rino. El ha üna vaira fom e la senda dvainta adüna plü stipa. Ma ni bazegner e nona, ni ils uffants nu paran da gnir stanguels. Al cuntrari. «Quia, eu vez ün s-chazi!», cloma Bigna.

6 Na, quia nu sun gnüdas brassadas servulas. Per chattar quai ch'el voul sto Rino chavar üna foura.

7 «Üna linterna davo üna palma? **T** Chi tilla ha laschada quia?» Cun agüd da la linterna chattan els la via. Bigna ha ün'idea. «Gnit, nus sequin simplamaing l'aua. Quella glüscha bod aint il s-chür!»

8 Ün cristal da bellezza as pre- **R** schainta in üna sfessa dal grip. «Quai es propa ün bel cristal», disch Carlo, il bazegner, «ma quel nu pudaina tour cun nus. Laschaina ils cristals in muntogna. Quai es lur dachasa.» Plansieu vöglian eir els ir vers lur quartier per quista not. Els rivan pro ün muossavia.

9 **U** Precis qua chava Rino sco ün nar i'l sablun. El chatta però be ün sach da pomchips vöd. Chi ha laschè quel illa natüra? Bigna e Ramun piglian cun sai il s-chart. Els vöglian proteger la natüra. Cur chi chaminan inavant, dodna üna canera curiusa.

10 **G** E propa. Cun seguir l'aua rivna pro ün laïn. Da là davent chattna eir la via pro la tenda, ingio chi vöglian star sur not.

11 Na, la canera nu vegn da l'auto da posta. I nun es «tü-ta-to» chi dodan. Ma plüchöntschi «huhu-huhu».

Scha tü est rivà o rivada a la fin da l'istorgia, stoust be amo cumbinar ils nomers culs custabs e lura chattast oura che cha Bigna ha manià!

1
L

,



-


12 **AI** Quai es la direcziun güsta. «D'eira il cristal il s-chazi cha Linus ha manià?», dumonda Bigna, «el ha bain dit cha nus til dessan manar ün toc dal s-chazi.» Qua sta Rino tuot in d'üna salda. El ha darcheu savurà alch. Forsa üna bes-cha?

13 **A** Avant co ir a durmir sezza la famiglia Della Valle intuorn il fö. Rino mas-cha vi dad üna liongia. «Ha, Rino ha surgnü seis s-chazi!», disch Ramun, «ma nus nu vain amo adüna na chattà il s-chazi per Linus!» Tuots stübgian ün pa. Dandettamaing disch Bigna: «Eu n'ha ün'idea! Chi ha amo üna butiglia vöda? Eu crai cha nus possan implir ün pa dal s-chazi in üna butiglia!»

# Che daja in muntogna e che brich?

2

Taglia oura ils disegns e tils tacha illa tabella.



Uffiz federal da cultura UFC

Schweizerische Eidgenossenschaft  
Confédération suisse  
Confederazione Svizzera  
Confederaziun svizra



text: Chatriina Josty, illustraziun: Yvonne Gièniel,  
grafica: Theres Jönger  
© Lia Rumantscha

**KIDSFITSC**  
Lia Rumantscha

Quai daja in muntogna:

Quai nu daja:

# Soluziuns

## 1 L'AUA FRAIS-CHA

### 2 Quai daja in muntogna:

- capricorns o macuns

Il capricorn es üna bes-cha chi nu existiva plü in Grischun avant 120 ons. L'on 1920 s'haja darcheu manà ün pêr capricorns in Grischun. Daspö lura s'han els svilupats bain ed uossa daja darcheu blers capricorns. In tscherts lös, per exaimpel a Puntraschigna, vegna perfin fin giò'n cumün.

- punts

In muntogna daja da tuottas sorts punts. Idea: Fotografescha tuot ils tips da punts cha tü vezzast cur cha tü fast üna spassegiada in muntogna.

- cristals

Cristals daja propa in muntogna. Per exaimpel in Surselva. Per chattar cristals ston ils chavacristals ir sü ot illa gripa.

- pins o petschs

In Grischun daja blers gods da pin. Els güdan a proteger las vals da las lavinas.

- parchas

I dependa che chi's manaja cun «muntognas». In pitschens lajets da muntogna nu daja ningünas barchas da passagers. In lais ün pa plü gronds, sco per exaimpel quels in Engiadin'Ota, daja eir barchas.

- fös

I's das-cha far fö in muntogna. Quai però be schi nun es massa süet.

- muossavias

Ils muossavias güdan a chattar la senda güsta in muntogna. Hast fingià remarchà chi dà muossavias da differentas culurs? Ils gelgs sun per gitas leivas. Quels da culur alb-cotschen-alb markeschan las sendas da muntogna chi sun fingià plü greivas. Amo plü greivas sun las sendas marcadas alb-blau-alb.

- autos da posta

Cul auto da posta as riva a blers puncts da partenza per spassegiadas in muntogna.

### Quai nu daja:

- palmas

Las palmas creschan plü jent in regions plü chodas.

- bastimaints o navs

Da quai nu daja illas muntognas dal Grischun.

- spierts

Spierts daja be in istorgias e raquints.

- tendas

Tendas daja bain, ma insè esa scumandà dad ir culla tenda illa natüra. Sün plazzas da campar as poja ir culla tenda e permiss es quai eir sur il cunfin dal god.

- squals

Ils squals vivan aint ils mars, ma na i'ls lais da muntogna.

- ufos

Adüna darcheu daja glied chi craja d'avair vis ün ufo. In fin uossa nun esa però cumprovà chi dà vita sün oters planets e cun quai neir visitas da creatüras dad oters planets in ogets chi svoulan, sco per exaimpel ufos, sün nossa terra. Ma i nu's sa mai.

